

ПАВЛУСНИНГ ЭФЕСЛИКЛАРГА МАКТУБИ

Кириш

Мазкур мактуб муаллифи ҳаворий Павлусдир. Павлус бу мактубини қамоқда бўлган пайтда* Эфес шаҳридаги имонлилар жамоатига ёзган. Эфес шаҳри Рим империясидаги Асия вилоятининг маркази бўлиб, муҳим аҳамиятга эга эди. Бу бандаргоҳ шаҳар ҳозирги Туркияning ғарбида, Эгей денгизи бўйида жойлашган. Павлус Хушхабарни ёйиш ва таълим бериш мақсадида бир неча марта Эфесга борган, у ерда икки йил яшаган.

Ушбу мактубда янги аҳд илоҳиётининг асослари батафсил ва изчил тарзда баён қилинади. Павлус бу мактубида имонлиларга Масиҳда пинҳон бўлган ақл бовар қилмас илоҳий бойлик ҳақида ёзади, масиҳийларни кундалик ҳаётларида ўша руҳий манбадан фойдаланишга чақиради. Биз савоб ишларимиз туфайли эмас, иноят туфайли нажот топганимизни, Худога ҳамду санолар айтиш учун яралганимизни бизга эслатади. Буларнинг ҳаммасида Худо ягона мақсадни кўзлади: У еру осмондаги бор мавжудотни Масиҳнинг ҳокимиюти остига бирлаштиromoқчи эканини айтади (1:10 га қаранг). Худо бу режасини амалга оширишни масиҳийлар жамоатидан бошлайди. Исо Масиҳнинг тўкилган қони туфайли жамоат Худо билан ярашиб, яқдилликка эришади. Жамоатнинг яқдиллиги орқали Худо бутун борлиқقا Ўз донолигию улуғворлигини намоён қиласди. Мактубда ишлатилган метафоралар Худонинг жамоати Масиҳга тегишли эканини кўрсатади. Масалан, жамоат бир тана бўлса, Масиҳ унинг бошидир, жамоат бино бўлса, Масиҳ унинг тамал тошидир.

Мактубнинг дастлабки қисмида (1-3-боблар) самода биз учун сақланган руҳий баракалар ҳақида ёзилган. Худо Ўз халқини танлагани, Исо Масиҳ орқали уларни кечириб, гуноҳларидан халос этгани, кут-баракаларга кафил сифатида уларга Муқаддас Руҳни бергани баён этилади. Павлус масиҳийларни дуо қилиб, улар учун Худога ёлворади. Унинг ниҳоятда гўзал ва чуқур мазмунга эга бўлган бу мумтоз ибодатлари одамларга ёд бўлиб кетган (1:15-23, 3:14-21 га қаранг).

Мактубнинг сўнгги қисмида (4-6-боблар) Павлус имонлиларга насиҳатлар қиласди. Уларни Масиҳга муносиб ҳаёт кечиришга, Худонинг фарзанди деган номга лойиқ тарзда яшашга ундейди. Бир вақтлар улар зулматга ғарқ бўлган эдилар, энди эса улар нурга тўла инсонлар каби яшаши лозим. Мана шу нур уларнинг ҳаёт тарзида акс этиб туриши керак. Шунингдек, Павлус эр-хотинлик муносабатлари, ота-она ва фарзандлар, хўжайин ва қул муносабатлари ҳақида таълим беради. Павлус мазкур мактубини яқунлар экан, ёвуз руҳий кучларга қарши курашиш ҳақида сўз юритади. Масиҳийларни Худо берган қурол-аслаҳалар билан қуролланиб, иблиснинг ҳийалаларига қарши туришга чақиради. Уларни ҳар қандай шароитда Муқаддас Руҳга таяниб дуо-ибодат қилишга, ҳушёр ва саботли бўлишга даъват қиласди.

1-БОБ

Дуойи салом

¹Худонинг иродаси билан Исо Масиҳнинг ҳаворийси бўлган мен — Павлусдан

Исо Масихга содиқ бўлган^{*} Эфес шаҳридаги Худонинг азизларига салом! ² Отамиз Худо ва Раббимиз Исо Масих сизларга иноят ва тинчлик ато қилсин.

Худонинг илоҳий режаси

³ Раббимиз Исо Масихнинг Отаси Худога ҳамду санолар бўлсин. У самодаги барча руҳий баракаларни Масих орқали бизларга берди. ⁴ Масихга тегишли бўлишимиз учун Худо бизни дунё яратилишидан олдин танлади. Энди биз Худонинг олдида муқаддас ва бенуқсон, бир-биримизга меҳр боғлаган инсонлар бўла оламиз. ⁵ Худо* бизни Исо Масих орқали Ўзига фарзанд қилиб олишни азалданоқ қарор қилган эди. Худонинг хоҳиш-иродаси шу бўлиб, бундан У ҳузур-ҳаловат топди. ⁶ Худо Ўзининг суюкли ўғли орқали бизга буюк иноят кўрсатгани учун Унга ҳамду санолар бўлсин.

⁷⁻⁸ Масихнинг тўкилган қони орқали Худо бизни кечириб, гуноҳларимиздан озод қилди. Шундай қилиб, Худо бизнинг ҳаётимизни тўлдирган инояти қанчалик бой эканлигини кўрсатди. У бизга донолигу ақл-идрок ато этди. ⁹ Ўз иродасининг сирини* маълум қилди. Бу иродаси Исо Масих орқали бажо бўлишини Худо олдиндан режалаштирган эди ва бундан У ҳузур-ҳаловат топди. ¹⁰ Худо бу режасини Ўзи белгилаган вақтда тўла амалга ошириб, еру осмондаги бор мавжудотни Масихнинг ҳокимияти остига бирлаштиради. ¹¹ Биз Масих орқали Худонинг халқи бўлдик*. Бу Худонинг азалдан белгилаган режаси бўйича амалга ошди. Ахир, Худо ҳар бир нарсани Ўз хоҳиш-иродаси бўйича амалга оширади.

¹² Шундай экан, биз ҳаммамиз — Масихга умид боғлаганлар Худога шон-шуҳрат келтириш учун яшашимиз лозим. ¹³ Сизлар ҳақиқат каломи, яъни нажот келтирган Хушхабарни эшитган эдингиз. Шу туфайли Масихга имон келтирган эдингиз. Худо ваъда қилган Муқаддас Руҳини сизларга бериб, Ўзига тегишли эканлигингизни тасдиқлади. ¹⁴ Муқаддас Руҳ биз келажакда оладиган қутбаракаларга кафил сифатида берилди. Ҳа, вақти келиб*, Худо Ўзига тегишли бўлганларни бутунлай озод қилади. Шуларнинг ҳаммаси Худога шон-шуҳрат келтиради.

Шукронна ибодати

¹⁵ Раббимиз Исога бўлган имонингиз ва Худонинг азиз халқига бўлган меҳр-муҳаббатингиз ҳақида эшитганимдан бери, ¹⁶ сизлар учун ибодат қилганимда, тинмай Худога шукурлар айтаман. ¹⁷ Раббимиз Исо Масихнинг Худоси, улуғ Отамиз, Ўзини таниб-билишингиз учун Муқаддас Руҳ орқали сизга донолик ва ақл-идрок ато қилсин. ¹⁸ Худо сизларнинг қалбингизни нурга тўлдирсин, тики Худо сизларни даъват қилиб, сизларга қандай умид берганлигини, Худонинг халқи У учун нақадар бой мулк* эканлигини тушуниб олинглар. ¹⁹ Худонинг биз — имонлиларга кўрсатган тенги йўқ қудрати нақадар буюклигини ҳам билиб олинг. Мана шу буюк қудрати билан ²⁰ Худо Масихни ўлиқдан тирилтириди ва самода уни Ўзининг ўнг томонига ўтиргизди*. ²¹ Исони Худо у дунёю бу дунёдаги ҳар бир ҳокимият ва ҳукмронлик, ҳар қандай куч ва салтанат, ҳар бир мавжудотдан устун қилди. ²² Бутун борлиқни Исонинг оёқлари остига тобе қилди. Уни бутун борлиқдан юқори қўйиб, имонлилар жамоатига бош қилди. ²³ Имонлилар жамоати Масихнинг танасидир. Борлиқни ҳар жиҳатдан бутун қиладиган Масих жамоатни баркамол қилади.

2-БОБ

Худонинг инояти туфайли ҳаётга эришиш

¹ Сизлар бир вақтлар гуноҳлару айбларингиз туфайли руҳан ўлик эдингизлар. ² Сизлар бу дунёнинг одатлари бўйича, ёвуз руҳий кучларнинг ҳокими бўлган шайтонга бўйсуниб, гуноҳга ботиб яшардингиз. Худога итоат қилмай яшаётгандарнинг юракларида амал қилаётган шайтондир. ³ Биз ҳам бир вақтлар худбин истакларимизни қондириб яшар эдик. Тана эҳтиросларига ва бемаъни ўй-хаёлларга берилиб яшайдиган, барча одамзод каби, табиатан Худонинг қаҳрғазабига лойиқ бўлган итоатсиз инсонлар эдик. ⁴ Аммо меҳр-шафқатга бой Худо Ўзининг бизга бўлган буюк муҳаббатини қуидагича кўрсатди: ⁵ гарчи биз гуноҳларимиз туфайли руҳан ўлик бўлсак ҳам, Худо бизни Масиҳ билан бирга тирилтириди. Биз Худонинг инояти туфайли қутқарилганимиз. ⁶ Худо бизни Масиҳ билан бирга тирилтириди ва бизга самода У билан бирга жой берди. Булар Исо Масиҳ туфайли амалга ошди. ⁷ Худонинг инояти беҳад мўл эканлиги то абад намоён бўлиши учун, У бизга Исо Масиҳ орқали меҳр-шафқат кўрсатди. ⁸ Ахир, сизлар Худодан иноят топиб, имон орқали нажот топгансиз. Бу Худонинг инъомидир, сизнинг ютуфингиз эмас. ⁹ Яна ҳеч ким: “Мен савоб ишларим туфайли қутулганиман”, деб мақтамасин. ¹⁰ Ахир, биз Худонинг ижодимиз. Худо бизни хайрли ишлар қилишимиз учун Исо Масиҳ орқали яратди, бу ишларни биз учун азалданоқ тайёрлаб қўйган эди.

Исо Масиҳ орқали халқлар бирлашади

¹¹ Эсингизда бўлсин, суннат қилинган яхудийлар* бир вақтлар сиз — ғайрияхудий бўлганларни “суннатсиз”* деб атардилар. Ваҳоланки, яхудийларнинг суннати фақатгина жисмоний суннат эди. ¹² Ўша пайтда сизлар Масиҳни билмас эдингизлар, Исроил халқига тегишли эмасдингиз. Худонинг Исроил халқи билан тузган аҳдларига* ва берган ваъдаларига бегона бўлиб, бу дунёда умидсиз ва Худосиз яшар эдингиз. ¹³ Сизлар олдин Худодан узоқ эдингиз, энди эса Исо Масиҳ орқали, Унинг тўкилган қони туфайли Худога яқинлашдингиз.

¹⁴⁻¹⁵ Масиҳнинг Ўзи бизнинг тинчлик манбаимиздир. У Ўз танасини фидо қилиб, яхудийлар ва ғайрияхудийларни бирлаштириди, уларнинг орасидаги адоват деворини қулатди. Исо Масиҳ яхудийларга берилган қонунни ва унинг амрларию қоидаларини бекор қилди. Масиҳ туфайли ғайрияхудийлар билан яхудийлар бирлашиб, янги бир халқ бўлдилар, шундай қилиб Масиҳ тинчлик ўрнатди. ¹⁶ Хочдаги ўлими орқали Масиҳ ғайрияхудийларни ҳам, яхудийларни ҳам Худо билан яраштириди-да, уларнинг орасидаги адоватни йўқ қилди. ¹⁷ Масиҳ келиб, сизларга — олдин Худодан узоқ бўлганларга ҳам, Худога яқин бўлганларга ҳам тинчлик Хушхабарини эълон қилди. ¹⁸ Масиҳ туфайли энди ҳаммамиз бир Руҳ орқали Отамиз Худонинг ҳузурига кира оламиз.

¹⁹ Демак, сизлар энди бегона ҳам, келгинди ҳам эмассизлар, балки Худонинг азиз халқи қаторидасиз, Унинг хонадони аъзоси бўлдингизлар. ²⁰ Сизлар худди бир бинодайсизлар. Бу бинонинг асоси ҳаворийлару пайғамбарлардир*. Бинонинг тамал тоши* эса Исо Масиҳнинг Ўзидир. ²¹ Бу иморат Раббимиз Исо Масиҳ орқали бир бўлиб, юксалиб боради ва Унга бағишланган муқаддас маъбад бўлади. ²² Исо Масиҳга тегишли бўлганингиз учун сизлар ҳам бу иморатнинг бир қисмисиз. Бу иморатни Худонинг Руҳи Ўзига маскан қилиб олади.

3-БОБ

Худо сирли режасини аён қилади

¹ Мана, Исо Масих ҳақи сиз — ғайрияхудийларга қылган хизматим сабабли маҳбус* бўлганман. ² Худо Ўз иноятини сизларга етказиш вазифасини менга топширди. Сизлар албатта бу ҳақда эшитгансизлар. ³ Юқорида қисқача ёзганимдай, Худо бу сирни менга ваҳий орқали маълум қилди. ⁴ Сизлар ёзганларимни ўқиб, Масих ҳақидаги сирни қандай фаҳмлаганимни тушуниб оласизлар. ⁵ Бу сир олдинги наслларга аён қилинмаган эди. Энди эса Муқаддас Рух орқали Худонинг муқаддас ҳаворийлари ва пайғамбарларига* аён қилинди. ⁶ Бу сирнинг моҳияти қуидагичадир: ғайрияхудийлар ҳам Хушхабарга ишониб, Исо Масих орқали Худо Ўз халқига ато қиладиган баракаларга шерик бўладилар. Улар билан бирга бир тана аъзолари* бўлиб, Худонинг Ўз халқига берган ваъдасидан баҳраманд бўладилар.

⁷ Хушхабарни тарқатиш хизмати менга Худонинг инояти бўйича топширилди. Бу иноятни Худо менга Ўзининг куч-қудрати орқали берди. ⁸ Мен Худонинг азизлари орасида энг арзимагани эдим. Масихнинг ақл бовар қилмас бойлиги ҳақидаги Хушхабарни ғайрияхудийларга етказишим учун менга Худонинг инояти берилди. ⁹ Худонинг сирли режасини энди ҳаммага ошкор қилиш вазифаси менга юкланди. Бутун борлиқни* яратган Худо бу сирни асрлар давомида пинҳон тутган эди. ¹⁰ Ўзининг кўп қиррални донолиги имонлилар жамоати орқали самовий кучлару салтанатларга маълум бўлиши учун Худо шундай қилди.

¹¹ Худонинг Раббимиз Исо Масих орқали рӯёбга чиқарган азалий мақсади шу эди.

¹² Биз Исо Масих туфайли ва Унга бўлган имонимиз туфайли Худонинг ҳузурига дадиллик ва тўла жасорат билан яқинлашиш имконига эгамиз.

¹³ Шундай экан, сизлардан ўтинаман, менинг азоб-уқубатларимни деб, руҳингиз ҳеч тушмасин. Аксинча, сизлар учун чеккан азоб-уқубатларим билан фахрланинглар.

Павлуснинг ибодати

¹⁴ Юқорида айтиб ўтганларим ҳақида ўйлаганимда, самовий Отамиз* олдида тиз чўкиб, ибодат қиласман. ¹⁵ Ер юзидағи ва осмону фалакдаги ҳар бир жонзотнинг ҳаёт манбаи самовий Отадир. ¹⁶ Менинг тоат-ибодатларим қуидагичадир: Худо Ўзининг улуғвор бойлиги билан сизларга куч-қудрат бериб, Ўз Рухи билан ички борлиғингизни бақувват қилсин. ¹⁷ Имонинг орқали Масих юрагингиздан жой олсин. ¹⁸⁻¹⁹ Сизлар илдизи чуқур дараҳтдай бўлинг, Худонинг севгиси сизларни барқарор қилсин. Худонинг барча азизлари билан бирга, Масихнинг ақл бовар қилмас севгиси қанчалик кенг, қанчалик чексиз, қанчалик юксак ва теран эканлигини тўла англаб, билиб олинглар. Шунда ҳаётингиз Худонинг камолотига тўлиб-тошади.

²⁰ Худо ҳаётимизда амал қилаётган қудрати билан биз сўраган ёки тасаввур қилганларимизни ва ҳатто хаёлимизга келмаганларни ҳам бажаришга қодирдир.

²¹ Имонлилар жамоати ва Исо Масих орқали Худога насллар оша то абад шон-шарафлар бўлсин! Омин.

4-БОБ

Имонлиларнинг бирлиги ва янги ҳаёти

¹ Раббимиз Исо ҳақи маҳбус* бўлган мен — Павлус сизлардан ўтиниб сўрайман: Худо сизларни Ўзига даъват қилганини ёддан чиқармай, шу даъватга

муносиб тарзда яшанглар.² Доимо камтар ва мулойим бўлинглар, меҳр–муҳаббат билан бир–бирингизга нисбатан сабр–тоқатли бўлинглар.³ Ўзаро тинч–тотув яшаб, Муқаддас Рух ато қилган бирдамликни сақлашга жон куйдиринглар.

⁴ Ҳаммамиз бир тананинг аъзоларимиз*, қалбимиздаги Муқаддас Рух ҳам бирдир. Шунингдек, Худо бизни даъват қилиб, ҳаммамизга берган умид ҳам бирдир.

⁵ Раббимиз бир, имонимиз ҳам бирдир, бир мақсадда сувга чўмдирилганимиз.

⁶ Барчамиznинг Отамиз Худо бирдир. У ҳаммамиздан устун бўлиб, ҳаммамиз орқали йўз иродасини бажо қилади. У ҳаммамизнинг орамиздадир.⁷ Масиҳ йўз иноятига кўра, ҳар биримизга турли хил инъомлар берган.⁸ Мана, Муқаддас битикларда қуидагича ёзилган:

“Юксакларга чиқди У,
Асиrlарни ортидан эргаштириди.
Инсонларга ҳадялар берди.”*

⁹ У юксакларга чиқди деган сўзлар нимани билдиради? У олдин пастга — ер юзига тушгандан бошқа нимани билдириши мумкин?!¹⁰ Пастга тушган Зот, коинотни ҳар жиҳатдан бутун қиласай деб, фалак тоқидан ҳам юқорироқча чиқди.

¹¹ Масиҳ баъзиларни ҳаворий, баъзиларни эса пайғамбар, баъзиларни Хушхабар воизи, яна бошқаларни жамоатларнинг чўпонларию устозлари қилиб тайинлади,¹² токи улар Худонинг азиз халқини хизмат қилишга тайёрласинлар. Шунда Масиҳнинг танаси, яъни жамоат имонда мустаҳкам туради.¹³ Бунинг натижасида ҳаммамиз имонда яқдил, Худонинг Ўғли Масиҳни таниб–биладиган, Унинг камолига эришган етук одамлар бўламиз.¹⁴ Шунда биз норасида гўдакларга ўхшамаймиз, шамол эсган томонга эгиладиган новдадай бўлмаймиз. Ҳар хил таълимотлар ва қув одамларнинг ҳийлаю айёриклиларига лақقا тушавермаймиз.¹⁵ Келинглар, меҳр–муҳаббат билан ҳақиқатни айтиб, жамоатнинг боши бўлган Масиҳга ўхшаб ҳар жиҳатдан етук инсонлар бўлайлик.

¹⁶ Унинг бошчилигида бутун бадан паю бўғинлар ёрдамида ўзаро уланади ва бирикади. Ҳар бир аъзо ўз вазифасини бажарап экан, бутун бадан ўсиб боради ва меҳр–муҳаббат туфайли бақувват бўлади.

¹⁷ Шундай экан, Раббимиз Исонинг номидан қатъий тайинлаб, сизларга айтаман: энди худосиз одамлардай яшаманглар, улар сингари беҳуда ўй–хаёлларга берилманглар.¹⁸ Уларнинг онгларини зулмат қоплаган, улар Худо берадиган янги ҳаётга бегонадирлар, чунки улар бағри тош бўлиб, жаҳолатда қолганлар.¹⁹ Улар ҳар қандай ор–номус туйғусини йўқотиб, фисқу фужурга берилганлар, ҳар хил ифлос ишларни иштиёқ билан қиласидилар.²⁰ Аммо сизлар Масиҳдан бундай ишларни ўрганмагансиз.²¹ Сизлар Масиҳнинг сўзларини эшитиб, Унинг таълимотини олгансизлар, чунки ҳақиқат Масиҳда жамдир.

²² Олдинги яшаш тарзингизга тобе бўлманг, эски ўзлигингиздан воз кечинг, чунки у алдовчи эҳтирослар туфайли бузилиб кетган.²³ Янгичасига фикр–зикр қиласидиган бўлинглар.²⁴ Худонинг суратида яратилган, ҳақиқий солиҳлик ва муқаддасликдан иборат бўлган янги табиатга бурканинглар.

Янги ҳаёт учун йўл–йўриқлар

²⁵ Энди ёлғон гапиришни бас қилиб, ҳар бирингиз ўз яқинингизга ҳақиқатни айтинглар, ахир, ҳаммамиз бир тананинг аъзоларимиз–ку.²⁶ Ҳатто ғазабланганингизда ҳам гуноҳ қилманглар*. Қуёш ботгунча жаҳлдан тушинглар.

²⁷ Иблисга фурсат берманглар.²⁸ Олдин ўғри бўлган энди ўғрилик қиласин, балки ишласин, ўз қўллари билан меҳнат қиласин. Шунда муҳтожларга ҳам

топган–тутганидан ёрдам бера олади.²⁹ Оғзингиздан ҳеч қандай ярамас сүз чиқмасин. Лекин тингловчиларнинг эҳтиёжига кўра, керакли гапларни айтиб, уларга далда беринг, шунда сўзларингиз уларга фойда келтиради.

³⁰ Худонинг Муқаддас Руҳини хафа қилманглар, чунки Муқаддас Руҳ сизларнинг Худога тегишли эканингизнинг ҳамда бир қун келиб*, бутунлай озод бўлишингизнинг далилидир. ³¹ Ҳар қандай гина–кудурат, қахру ғазаб, жанжалқашлиқ, ғийбатчиликни ҳамда бошқа ҳар хил ёмонликларни ўзингиздан соқит қилинглар. ³² Бир–бирингизга нисбатан кўнгилчан ва меҳр–шафқатли бўлинглар. Худо сизларни Масих орқали кечиргандай, сизлар ҳам бир–бирингизни кечиринглар.

5-БОБ

¹ Худонинг севикли фарзандлари экансиз, энди Худодан ўрнак олинглар.

² Масих бизни яхши кўриб, биз учун Ўзини фидо қилди ва шу йўсин Худога маъқул келадиган қурбонлик бўлди. Сизлар ҳам Исо Масихга ўхшаб, худди шундай меҳр–муҳаббат билан яшанглар. ³ Сизларнинг орангизда фаҳш, зинокорлик, ифлослик ёки хасислигу очкўзлик ҳатто тилга ҳам олинмасин. Булар Худонинг азизларига муносиб эмас. ⁴ Шунингдек, орангизда беадаблик, ножўя сўзлару қўпол ҳазиллар ҳам бўлмасин, чунки бундай қилиқлар сизларга тўғри келмайди. Яхиси, Худога шукур қилинглар. ⁵ Шуни билиб қўйингларки, ҳеч бир фаҳшбоз, ифлос ёки хасису очкўз инсон Масихнинг ва Худонинг Шоҳлигидан баҳраманд бўлмайди, чунки айтиб ўтилганларнинг ҳаммаси бутпарастлик билан тенгdir.

⁶ Ўшандай гуноҳларни қилишга баҳона излаганлар сизларни қуруқ гаплар билан алдамасин, чунки Худонинг қаҳр–ғазаби Унга итоатсиз бандаларнинг бошига тушади. ⁷ Шунинг учун уларга шерик бўлманглар. ⁸ Бир вақтлар сизлар зулматга тўла эдингиз, энди эса Раббимиз Исога тегишли бўлганингиз учун нурга тўлдингиз. Шундай экан, нурга тўла инсонлар каби яшанглар. ⁹ Ахир, ҳар қандай эзгулик, солиҳлик ва ҳақиқат нурнинг* самараасидир. ¹⁰ Раббимизга нима мақбул эканлигини билишга тиришинглар. ¹¹ Зулматнинг бесамара ишларида иштирок этманглар, аксинча, уларни фош этинглар. ¹² Махфий равишда қилинадиган ўша ишлар ҳақида гапириш ҳам уятдир. ¹³ Аммо нур порлаганда ҳамма нарса фош бўлиб, очиқ–ошкор кўринади. Ахир, нур ҳамма нарсани очиқ–оидин намоён қиласи–ку! ¹⁴ Мана шу сабабдан шундай деймиз:

“Эй ухлаётган, тур!
Ўлиқдан тирил!
Масих сенга нур сочар*.”

¹⁵ Шундай қилиб, қай тарзда яшаётганингизга диққат қилинглар. Нодонлар каби эмас, балки донолардай ҳаёт кечиринглар. ¹⁶ Фурсатни ғанимат билинглар, чунки биз яшаётган бу кунлар ёмонликка тўла. ¹⁷ Шунинг учун беақл бўлманглар, балки Раббимиз Исонинг иродаси нима эканлигини англашга ҳаракат қилинглар. ¹⁸ Шароб ичиб маст бўлманглар, чунки бу бузуқликка олиб боради. Аксинча, Муқаддас Руҳга тўлиб–тошинглар. ¹⁹ Бирга йиғилганингизда санолар, руҳий мадҳиялару қўшиқлар куйланглар. Мусиқа асблоларию хонишларингиз билан чин юрақдан Раббимизга ҳамдлар айтинглар. ²⁰ Ҳар доим, ҳар бир нарса учун Раббимиз Исо Масих номи билан Отамиз Худога шукур қилинглар.

Оилавий муносабатлар ҳақида насиҳатлар

²¹ Исо Масихни* иззат–хурмат қилганингиз учун бир–бирингизга

бўйсунинглар. ²² Эй хотинлар, сиз Раббимиз Исога қандай бўйсунсангиз, эрларингизга ҳам шундай бўйсунинг. ²³ Масиҳ имонлилар жамоатининг боши бўлгани каби, эр ҳам хотиннинг бошидир. Масиҳ Ўз танаси бўлган жамоатнинг Нажоткоридир. ²⁴ Жамоат Масиҳга қандай тобе бўлса, хотинлар ҳам ҳар жиҳатдан ўз эрларига шундай тобе бўлишлари керак. ²⁵ Эй эрлар, Масиҳ жамоатни яхши кўриб, Ўзини жамоат учун фидо қилганидай, сизлар ҳам хотинларингизни шундай яхши кўринглар. ²⁶ Масиҳ жамоатни сув* ва Худонинг каломи орқали поклаб*, муқаддас қилиш ниятида Ўзини фидо қилди. ²⁷ Жамоатни Ўз хузурига келтирганда, жамоат ҳар қандай ғубор, ажин ва доғдан холи бўлиб, улуғвор, муқаддас ва бенуқсон бўлиши учун Масиҳ Ўз жонини аямади. ²⁸ Эрлар ҳам ўз хотинларини ўз таналарини севгандай севишлари керак. Ўз хотинини севган эркак ўзини севган бўлади. ²⁹ Ҳеч ким ҳеч қачон ўз танасини ёмон кўрмайди. Аксинча, уни озиқлантириб, парвариш қиласи. Масиҳ ҳам Ўз жамоатини худди шундай озиқлантириб, парвариш қиласи. ³⁰ Биз Масиҳ танасининг аъзоларимиз*. ³¹ Муқаддас битикларда шундай ёзилган: “Шунинг учун эркак киши ота-онасидан бўлак бўлиб, хотинига боғланиб қолади, иккаласи бир тан бўладилар.”* ³² Бу буюк сирдир, энди бу сир Масиҳ ҳамда жамоатга ҳам тааллуқлидир. ³³ Хулласи калом, ҳар бир эр ўз хотинини ўзини севгандай севсин. Хотин ҳам эрини ҳурмат қилсин.

6-БОБ

¹ Эй фарзандлар, Раббимиз Исога тегишли бўлганингиз учун ота-онангизга итоат қилинглар, чунки шундай қилиш тўғридир. ²⁻³ Ахир, Худо шундай амр қилган: “Ота-онангизни ҳурмат қилинг. Ўшанда ер юзида умрингиз узоқ бўлиб, баҳтиёр яшайсиз.”* Ваъда қўшиб берилган биринчи амр ўша амрдир. ⁴ Эй оталар, фарзандларингизнинг ғашига тегманг. Уларни Раббимизнинг таълим-тарбияси билан ўстиринг.

⁵ Эй қуллар, Масиҳга чуқур иззат-эҳтиром билан, чин юракдан итоат қилганингиз каби, хўжайнингизга ҳам шундай итоат қилинглар. ⁶ Фақатгина инсонларни мамнун қилиб, хўжа қўрсинга хизмат қиладиган одамларга ўхшамасдан, Масиҳнинг қуллари каби, чин қўнгилдан Худонинг иродасини бажаринглар. ⁷ Инсонларга эмас, балки Раббимиз Исога хизмат қилаётгандек, бажону дил хизмат қилинглар. ⁸ Эсингизда тутинг: хоҳ қул, хоҳ эркин бўлсин, ҳар бир киши қилган яхшилигига яраша мукофотни Раббимиздан олади.

⁹ Эй хўжайнилар, сизлар ҳам қулларингизга яхши муомалада бўлинглар. Уларга дўқ-пўписа қилишни бас қилинглар, чунки биласизлар-ку, уларнинг ҳам, сизларнинг ҳам Хўжайнингиз самода, У тарафкашлик қилмайди.

Ёвузликка қарши кураш

¹⁰ Ва ниҳоят, Раббимиз Исо сизнинг қудрат манбаингиз бўлсин, Унинг буюк қудрати сизларни бақувват қиласин. ¹¹ Иблиснинг ҳийалаларига қарши турла олишингиз учун Худо берган барча қурол-аслаҳалар билан қуролланинг. ¹² Ахир, бизнинг қурашимиз инсонларга қарши эмас, балки самовий оламдаги ёвуз руҳий кучларга, руҳий ҳокимият ва ҳукмронликка ҳамда бу қоронғи дунёни бошқараётган руҳий ҳукмронларга қаршидир. ¹³ Шу сабабдан, Худонинг қурол-аслаҳалари билан қуролланинг, деб айтяпман. Шунда ёвузликка тўла қунларда маҳкам турла оласиз, қуролланиб тайёр турган бўласиз.

¹⁴ Хушёр туринглар! Белингизга ҳақиқат камарини тақинглар, қўксингизга солиҳлик совутини кийинглар, ¹⁵ тинчлик Хушхабарини ёйиш учун оёғингизга илдамлик пойабзалини кийинглар. ¹⁶ Буларга қўшиб, имон қалқонини кўлга

олинглар. Шу қалқон билан ёвуз шайтоннинг ҳамма алангали ўқларини кучдан қолдирасизлар.¹⁷ Шунингдек, бошингизга нажот дубулғасини кийинглар, Рұх берадиган, Худонинг қаломи бўлган қилични қўтARINGлар.

¹⁸ Ҳар қандай шароитда Муқаддас Рұхга таяниб дуо-ибодат қилинглар. Ибодатда хушёр ва саботли бўлиб, Худонинг барча азизлари учун илтижо қилинглар.¹⁹ Мен учун ҳам ибодат қилинглар. Мен оғзимни очганимда, зарур бўлган сўз менга берилсин, токи қўрқмасдан Хушхабар сирини^{*} баён эта олайн.²⁰ Шу Хушхабарнинг элчиси бўлганим учун ҳибсдаман*. Элчига лойиқ равища мен Хушхабарни жасурлик билан эълон қилишим учун ибодат қилинглар.

Сўнгги тилаклар

²¹ Тихикус сизларга менинг ҳол-аҳволимни, нималар қилаётганимни айтиб беради. У суюкли биродаримиз, Раббимиз Исонинг содиқ хизматкоридир.²² Мана шу мақсадда, бизнинг аҳволимизни сизларга билдирысин, сизларга далда берсин деб, уни сизларнинг олдингизга юборяпман.

²³ Биродарларим, Отамиз Худо ва Раббимиз Исо Масиҳ сизларга тинчлик, меҳр-муҳабbat ва имон ато қилсин.²⁴ Раббимиз Исо Масиҳни яхши кўрганларнинг ҳаммасига то абад Худонинг инояти ёр бўлсин*.

ИЗОҲЛАР

...қамоқда бўлган пайтда... — 3:1 га ва ўша оятнинг изоҳига қаранг.

1:1 ...Исо Масиҳга содиқ бўлган... — ёки ...*Исо Масиҳга имон келтирган...*

1:4-5 ...бенуқсон, бир-бири мизга меҳр боғлаган инсонлар бўла оламиз. ⁵ *Худо...* — ёки ...*бенуқсон инсонлар бўла оламиз. Бизга муҳаббат қўрсатиб,* ⁵ *Худо....*

1:9 Ўз иродасининг сири — 3:2-6 га қаранг.

1:11 ...Худонинг халқи бўлдик — бу ўринда ишлатилган юонча сўз қуръа бўйича мулк тақсимлаш маъносини билдиради. Бу оядта мажозий маънода ишлатилиб, имонлилар Худонинг бебаҳо мулки эканлигини қўрсатади. Яна шу бобнинг 14, 18-оятларига ва Қонунлар 32:8-9 га қаранг.

1:14 ...вақти келиб... — охиратда нажот тўлиқ рўёбга чиқадиган вақтга ишора (1 Бутрус 1:5, Римликлар 8:23, 13:11 га қаранг).

1:18 ...Худонинг халқи У учун нақадар бой мулк... — шу бобнинг 11-ояти изоҳига қаранг.

1:20 ...Уни Ўзининг ўнг томонига ўтириғизди — Забур 109:1 га қаранг. Ўнг томон мурувват ва барака ўрни деб ҳисобланган.

2:11 суннат қилинган яхудийлар — суннат Худонинг Иброҳим ва унинг авлоди билан қилган аҳд белгиси эди (Ибтидо 17:1-14 га қаранг). Суннат яхудийларнинг Худога содиқлигини ва Унинг танлаган халқига тегишли эканини қўрсатади.

2:11 “суннатсиз” — бу сўз ғайрияҳудийларнинг Худодан маҳрум бўлиб келганига, Унинг халқи қаторида ҳисобланмаганига урғу беради.

2:12 аҳдлар — Худонинг Истроил халқи ва уларнинг ота-боболари билан қилган аҳдларига ишора (Ибтидо 15:18, 17:1-14, Чиқиш 19:1-8, 2 Шоҳлар 7:8-16, Еремиё 31:31-34 га қаранг).

2:20 ҳаворийлару пайғамбарлар — Исо Масиҳнинг Хушхабарини ваъз қиласиган ҳаворийларга ва Янги Аҳд давридаги пайғамбарларга ишора (3:5, 4:11-12 га ва 1 Коринфликлар 12:28 га қаранг).

2:20 тамал тоши — қадимги пайтларда қурилишда пойдевор учун қўйилган биринчи ва энг муҳим тош ҳисобланарди. Бу тош пойдеворнинг бир бурчагини ҳосил қилиб, бинонинг қолган қисми ўша тошнинг жойлашуви бўйича қуриларди.

3:1 маҳбус — бу пайтда Павлус Римда маҳбус бўлгани эҳтимолдан ҳоли эмас (Ҳаворийлар 28:16, 30 га қаранг).

3:5 Худонинг муқаддас ҳаворийлари ва пайғамбарлари — 2:20 нинг биринчи изоҳига қаранг.

3:6 бир тана аъзолари — 4:4 га ва ўша оятнинг изоҳига қаранг.

3:9 Бутун борлиқни... — юонча матндан. Баъзи юонон қўлёзмаларида *Исо Масиҳ орқали бутун борлиқни....*

3:14 самовий Отамиз — юонча матндан. Баъзи юонон қўлёзмаларида *Раббимиз Исо Масиҳнинг самовий Отаси.*

4:1 маҳбус — 3:1 изоҳига қаранг.

4:4 Ҳаммамиз бир тананинг аъзоларимиз... — 1 Коринфликлар 12:12-27 га қаранг.

4:8 Муаллиф бу ўринда Забур 67:19 нинг қадимий юонча таржимасидан фойдаланган.

4:26 *Ҳатто ғазабланганингизда ҳам гуноҳ қилманглар* — Забур 4:5 га қаранг.

4:30 ...*бир кун келиб...* — 1:14 га ва ўша оятнинг изоҳига қаранг.

5:9 *нур* — юонча матндан. Баъзи юон қўлёзмаларида *Руҳ*.

5:14 Эй ухлаётган, тур! ...*Масиҳ сенга нур сочар* — бу сўзлар илк масихийлар куилаган мадҳиядан олинган бўлиши мумкин.

5:21 *Исо* *Масиҳ* — юонча матндан. Баъзи юон қўлёзмаларида *Худо*.

5:26 *сув* — сувга чўмдирилиш маросимига ишора. Бу маросим қайта туғилиш ва гуноҳдан покланиш рамзиdir (Юҳанно 3:5-7, Ҳаворийлар 22:16, 1 Бутрус 3:21 га қаранг).

5:26 ...*Худонинг каломи орқали поклаб...* — Юҳанно 15:3, 1 Бутрус 1:22-25 га қаранг.

5:30 *аъзоларимиз* — юонча матндан. Баъзи юон қўлёзмаларида *аъзоларимиз*, *Унинг эту суягимиз*.

5:31 Ибтидо 2:24 га қаранг.

6:2-3 Қонунлар 5:16 га қаранг.

6:19 *Хушхабар сири* — 3:2-6 га қаранг.

6:20 *ҳибсдаман* — 3:1 изоҳига қаранг.

6:24 Юонча матндан. Баъзи юон қўлёзмаларида қуйидаги сўз оятга қўшимча қилинган: *омин*.